

OT OLAMINING SIRLI SAHNASI

Zilola Toshpo'latova Dilmurodovna

O'zbekistonda Jurnalistika va ommaviy kommunikatsiya universiteti PR va menejment fakultetining Axborot xizmati va jamoatchilik bilan aloqalar yo'nalishi 2-kurs talabasi

Abror Ergashev Otxona asoschisi

PR MATNLAR KOPIRAYTING faninng mutaxasisi Gulyamova Muxtabar

Annotatsiya: Mazkur maqolada ot olamining sirli sahnasi mavzusida talabalarning ijodkorlik va amaliy ko'nikmalarini rivojlantirishga qaratilgan kreativ dars loyihasi yoritilgan. Dars davomida "Mediarileyshnz" fani nazariyasi amaliyotda sinab ko'rildi. Talabalar Osiyo ot sporti federatsiyasi otchopar hududida eksklyuziv press-tur tashkil etib, jamoatchilik bilan aloqalar bo'yicha o'z tajribalarini boyitdi.

Kalit so'zlar: Ot olami, press-tur, Mediarileyshnz, kreativ dars, talaba tajribasi, ot sporti, axborot xizmati.

Otlar insoniyat tarixining ajralmas qismi bo'lib, ularning estetik va madaniy qiymati boy tarixga ega. Bugungi kunda ot sporti nafaqat sport, balki turizm va madaniy merosni ommalashtirishning muhim yo'nalishi sifatida e'tirof etilmoqda. Shu kontekstdan kelib chiqib, Mediarileyshnz fanidan nazariy bilimlarni amaliyotda qo'llash maqsadida kreativ dars tashkil etildi. Ushbu maqola talabalarning ijodiy yondashuvi va tajribasini yoritishga qaratilgan.

Ot olamining sirli sahnasi

Mediarileyshnz fani doirasida talabalarning nazariy bilimlarini amaliy ko'nikmaga aylantirish maqsadida Osiyo ot sporti federatsiyasi otchopar hududida maxsus kreativ dars tashkil etildi. Ushbu dars doirasida "Ot olamining sirli sahnasi" mavzusida jurnalistlar uchun eksklyuziv press-tur uyushtirildi. Bu tadbir Axborot

xizmati va jamoatchilik bilan aloqalar yo'nalishi 2-kurs talabalari uchun o'quv jarayonidagi muhim voqea bo'ldi.

Press-tur o'zida bir qancha maqsadlarni mujassam etdi:

- Talabalarni press-tur tashkil etishning nazariy va amaliy jihatlari bilan yaqindan tanishtirish;
- Axborot xizmatining asosiy funksiyalarini tushunib yetish va amaliyotda qo'llash;
- Jamoatchilik bilan aloqalar sohasidagi jarayonlarni jonli namoyish etish orqali talabalarning professional malakasini oshirish.



Tadbir davomida talabalarga quyidagi vazifalar yuklatildi:

Press-turning asosiy rejasi va mavzusini ishlab chiqish.

Tadbir ishtirokchilari uchun press-reliz va boshqa axborot materiallarini tayyorlash.

Jurnalistlar va tashkilot rasmiylari o'rtasidagi muloqot jarayonlarini modellashtirish.

Tashkilot mutasaddilari bilan intervyu o'tkazish va asosiy fikrlarni aniq bayon etish.

Press-tur tashkil etilishi Fan doirasida ilk bor o'tkazilgan press-turda har bir talaba o'ziga belgilangan rolga ega bo'ldi. Ba'zi talabalar tashkilot rasmiylari obrazida jurnalistlarni kutib olish, ularga savollarga javob berish va press-relizlarni taqdim etish bilan shug'ullandi. Boshqa talabalar esa jurnalist sifatida tadbirni kuzatish, savollar berish va turli formatlarda material tayyorlashga mas'ul bo'lishdi. Bu jarayon talabalarni turli vaziyatlarga tezkor moslashishga va professional yondashuvni qo'llashga undadi.

Otchopar hududidagi taassurotlar Press-tur davomida talabalarga otchopar hududi va ot sporti madaniyati bilan yaqindan tanishish imkoniyati berildi. Bu

hududdagi mashg'ulotlar jarayonini kuzatish orqali talabalar sport jurnalistikasi uchun kerakli bilim va tajriba to'plashdi. Ot sportining tarixi, undagi qoidalar va tashkilotchilik jihatlari haqida batafsil ma'lumot olishdi.

Ijodiy yondashuv va jamoaviy ish Bu dars talabalarning ijodkorligini oshirishga ham katta hissa qo'shdi. Har bir talaba o'z roliga ijodiy yondashib, yangi g'oyalar bilan chiqdi. Jamoaviy ish esa talabalar o'rtasida bir-birini qo'llab-quvvatlash va muvofiqlashtirish ko'nikmalarini mustahkamladi. Bu jarayon ularga kelgusida jamoatchilik bilan aloqalar sohasida muvaffaqiyatli faoliyat olib borish uchun muhim zamin yaratdi.

Tadbirning ahamiyati "Ot olamining sirli sahnasi" mavzusidagi ushbu tadbir nafaqat Mediarileyshnz fani doirasidagi amaliy mashg'ulot, balki talabalarning kasbiy rivojlanishi uchun muhim bir qadam bo'ldi. Ularning nazariy bilimlari amaliyotda mustahkamlanib, o'zlarini haqiqiy kasbiy muhitda sinab ko'rish imkonini berdi. Tadbir yakunida talabalar tomonidan o'zlariga yuklatilgan vazifalar muvaffaqiyatli bajarildi va ular tomonidan tayyorlangan materiallar yuqori baholandi.



Mazkur press-tur talabalarga o'zlarining kelajakdagi kasbiy faoliyatida muhim ahamiyat kasb etadigan tajriba va ilhom bag'ishladi. "Ot olamining sirli sahnasi" nafaqat talabalar uchun, balki ushbu jarayonni kuzatgan barcha ishtirokchilar uchun ham yodda qolarli tadbirlardan biriga aylandi.

Press-turda talabalarning faol ishtiroki ularning kommunikatsion va ijodiy qobiliyatlarini yanada oshirishga xizmat qildi. Biroq, tadbir davomida ayrim kamchiliklar, jumladan, vaqtni samarali boshqarish va kutilmagan muammolarga tezkor yechim topish masalalarida tajriba yetishmasligi kuzatildi. Kelgusida bunday tadbirlarni tashkil etishda rejalashtirish jarayoniga ko'proq e'tibor qaratish lozim.

Xulosa

Mazkur tadbir “Mediarileyshnz” fanining nazariy bilimlarini amaliyotga tatbiq qilish imkoniyatini yaratdi. Talabalar nafaqat o‘quv jarayonida, balki kelajakdagi kasbiy faoliyatlarida muhim ahamiyatga ega ko‘nikmalarni egallashdi. Kelgusida bunday darslarni muntazam ravishda o‘tkazish, shuningdek, boshqa sport va madaniy obyektlar bilan hamkorlik qilishni taklif etamiz.

Adabiyotlar

1. “Ot sporti nazariyasi va uslubiyati” fanidan ma’ruzalar matnlari. Chirchiq – 2021.
2. Конный спорт: программа для специализированных учебноспортивных учреждений и училищ олимпийского резерва / сост.: П. М. Прилуцкий [и др.]. – Минск: РУМЦФВН, 2009. – 95 с.
3. Миклем, У. Верховая езда. Полное руководство / Уильям Миклем: пер. с англ. С.Л. Баскиной. – М.: «АСТ» - «Астрель», 2005. – 400с.
4. Кремер, М. Как добиться высоких результатов. 8 пунктов программы по подготовке лошади. – М.: Аквариум, 2007–288 с.
5. Волынский, С.М. Тренировка и выездка лошадей. – М.: ООО «Издательство АСТ»; Донецк: «Сталкер», 2004. – 285 с.
6. Штайнкраууз В. Верховая езда и преодоление препятствий. – М.: «ОО Аквариум Бук», 2004. 6. Ливанова, Т.К., Ливанова, М.А. Все о лошади. – М.: изд. «АСТПресс», 2012.